

廣德州志卷四十四

列女志

完節二

國朝

濮陽起鳳妻盧氏夫亡撫襁褓之孤勤紡績易甘旨以

事姑守節終身

通志

陳啟周妻劉氏

通志

年二十九夫故子甫數月撫之成立

艱苦備嘗

李志

以上二人雍正二年旌

廣德州志

卷四十四

完節

一

生員陳伯浩妻趙氏嫁甫八月伯浩沒氏撫夫幼弟成

立以延夫祀

通志

戈榮圖妻潘氏夫沒無子氏撫夫幼弟成立翁病刲股

以進

通志

以上二人雍正三年旌

沈述祖妻盧氏

通志

年二十九夫故事姑盡孝撫嗣子成

立

李志

生員戈大章妻濮陽氏夫病篤割股以進及歿撫幼孤

守節

通志

以上二人雍正四年旌

生員陳夢鯉妻戈氏通志年二十八夫亡與伯叔輪膳翁

姑甘旨無缺已與子女潛食糠粃子士峻克承慈訓以

恩貢候補學博雍正八年旌李志

王衍昇妻韋氏雍正九年旌通志

都督李國盛妻白氏建平人年二十九夫故先是國盛

從軍閩浙剿賊建功未遑婚娶五十八歲始娶氏閱十

年而國盛卒子世襲拖沙喇哈番廷芝尙未週歲氏散

遣僮僕足不踰閫餽粥不繼躬自紡績每述國盛血戰

廣德州志

卷四十四

完節

二

忠誠以勗其子歷官至守備雍正十年旌李志作十三年今從通志

越三年恭遇

覃恩誥贈一品夫人李志

廩生陳通光妻洪氏年二十九夫故孝養翁姑祭奠盡

禮撫教二子紡績佐讀長士饑餼於庠次士玉登賢書

乾隆元年旌李志自此以下諸人旌年同此

生員李圃妻步氏年二十八夫故有諷以再醮者以死

自誓孝養翁姑撫訓二子李志

生員戈馨妻葛氏子積生妻盛氏葛生員龍女年二十

五夫故姑勸再適氏勵志堅守事翁姑盡孝翁病瘋症侍奉十四年如一日撫子積生已弱冠娶庠生盛大申女爲媳盛年十九積生病篤割股以進夫死貞操自持孝事孀姑相依爲命教子萊遊庠姑媳並奉旌李志

王仲佐妻步氏年二十六夫亡家甚貧女工不輟足不踰闕孝養衰姑撫遺腹子成立李志

奚本佺妻陳氏年二十夫故撫姪爲嗣翁姑皆衰病六載卧床氏奉養不倦艱苦備嘗李志

甯繩祖妻洪氏年二十一夫患痘死翁姑惑於俗說欲

焚之氏哭請得免及卜葬形家欲並祖塋氏力諫不爲所惑事翁姑盡孝教子慈而兼嚴李志

王良瑛妻戈氏年二十一夫歿事舅姑必誠必敬執喪哀毀異常撫子生孫李志

陳世瑛妻侯氏年十九夫故翁姑憐其少欲嫁之氏絕食五日感悔而止遺腹生子週歲復殤氏投繯屍側姑覺救甦姑患中風扶持八年如一日撫教嗣子成立李志

奚大正妻雲氏年二十一夫故族無承祧者姑命撫夫姊之子於襁褓愛如己出氏母勸之嫁持刀自刎母駭

救止事姑一十九載孝敬備至

李志

雲五祥妻濮陽氏年二十五夫故先是五祥兄弟四人並遭疫沒妯娌皆以貧故改醮氏獨堅守撫子成家

李志

劉應惠妻陳氏年二十一夫故臨沒以葬父養母爲託氏孝養孀姑先後營葬拮据盡禮撫姪維城爲嗣姪又

早沒偕其媳洪氏撫育幼孫

李志

施藻妻胡氏年二十三夫故姑老子幼孝慈兼盡

李志

鄭永茂妻韋氏年二十九夫亡紡績養姑教子入泮

李志

施方妻陳氏年二十四夫亡孝事翁姑撫教嗣子遊庠

廣德州志

卷四十四

完節

四

李志

楊經通妻曹氏年二十五夫故家極貧仰事老姑俯育二子遇凶年嘗以草根樹皮充飢紡績所得卽以奉姑

李志

駱明柱妻沈氏年二十六夫故孝事舅姑教子以嚴早夜操作勤苦不倦

李志

生員盛寅妻趙氏年二十七夫故苦志守節撫孤成立

李志

吳銘勳妻王氏年二十五夫故冬無完絮夏無苙衣紡

績苦守 李志

雲怡衷妻周氏年二十二夫故事姑盡孝教子成立 李志

伏謙光妻吳氏年二十三夫故遺腹生子孝事翁姑撫

子成立 李志

戈啟煒妻洪氏年二十九夫故事翁姑繼姑皆盡孝撫

子成立 李志

生員戈逢源妻魯氏年二十八夫故守節撫孤 李志

案自陳通光妻洪氏至此二十三人俱乾隆元年旌

耿支宗妻焦氏年二十夫故遺腹生子孝事翁姑教子

廣德州志

卷四十四

完節

五

成立 李志

趙應倫妻巫氏年二十一夫故翁相繼歿子未週氏早

夜操作孝養孀姑教子成立 李志

史仲麟妻張氏建平人年二十二夫故族人謀奪其志

氏斷髮自誓孝事孀姑慈撫幼子 李志

潘鍾德妻濮陽氏建平人年二十九夫亡撫子娶媳既

生孫而子歿同媳孀居後孫又歿艱難辛楚彌苦彌堅

李志

張鳴京妻雲氏年二十二夫亡家貧苦守事姑孝教子

嚴李
志

案以上五人本州耿焦氏趙巫氏建平史張氏潘濮陽氏李志並稱現詳請旌本州張雲氏則類載在未旌節婦中今查州縣節孝祠中俱有牌位則焦巫張濮陽四氏准旌不待言雲氏亦奉旌可知但均無年分可考故分別附錄於此自後新增奉旌諸人其年分本州俱據稿案建平俱據縣申稿

夏翰瀛妻陳氏建平人年二十一翰瀛故家貧子幼誓無二適事姑存歿盡禮教子入泮年五十九卒

廣德州志

卷四十四

完節

六

王美璠妻夏氏建平人年二十二璠故事繼姑盡孝撫子婚娶生一孫女而子媳俱亡氏茹苦全貞年七十四卒

生員宗雋妾陳氏建平人年二十四雋故無子嫡潘氏憫其少勸改適氏以死自誓佐嫡孝事衰姑撫教繼子

煌入泮年六十五卒

案嫡潘未奉旌另詳後卷

王如雍妻郝氏建平人年二十三雍歿無子哀慟欲死舅姑泣諭曰叔瞽且幼爾以死殉夫如我兩人何乃茹荼堅守姑卒事繼姑亦盡禮瞽叔生子甫三日而叔死

越六月而姒又死氏仰事俯育一身兼任艱苦備嘗

以上四人俱乾隆五年旌

沈士英

祠牌作瑛

妻施氏年二十一夫亡孝事翁姑撫姪爲

嗣

案氏已見李志時尙未請旌今祠中亦已
有牌據沈家譜載請旌在是年故列於此

王嶽慶妻吳氏建平人年二十一嶽慶卒事姑盡孝撫

養孤子婚娶生孫而子歿氏率寡媳蔣氏督教二孫見

其成立年六十九卒吳已旌閭蔣猶有待也

以上二人俱乾隆六年旌

張纘望妻王氏建平人年二十二纘亡事姑養葬盡禮

廣德州志

卷四十四

完節

七

孤遂賢五歲自課孝經弱冠遊泮提學鄭以筠心荻教

獎之乾隆七年旌

生員范元策妻戈氏年二十元策歿翁姑衰老一子未

滿三歲勤紡績親蠶桑以供孝養雍正九年氏年五十

州守徐以節勁松筠獎之

胡顯韜妻吳氏建平人年二十五顯韜故踰年舅又亡

家故極貧加以荒疫姑目瞽子僅五歲氏晝夜紡績以

養以育誓無二心

王際英妻夏氏建平人年二十四際英故姑老子幼嘗

被水災人言不去且飢死氏勵志益堅日採菱芡夜勤紡績以供膳養二子皆得成立年五十九卒

夏期蓮妻雷氏建平人年二十一期蓮歿遺腹生子而天氏立志堅守勤紡績以葬舅姑與夫撫育嗣子成立以上四人俱乾隆八年旌

生員戴紳妻呂氏建平人年二十九紳歿舅姑年邁孝養備至二子長鵬例監次吳元入泮乾隆九年旌
梅含章妻岑氏建平人年二十九含章歿撫教孤子佳馨入泮卒年六十九乾隆十年旌

何家鈺妻宗氏建平人年二十四家珏故姑老子幼無強近之親氏仰事俯育備嘗辛苦教子汾入泮乾隆十一年旌

生員岑雲鴻妻周氏建平人年二十六雲鴻歿事孀姑朱盡孝朱故早年守節而氏伯姊烏烏之媳潘及氏又皆早寡人稱一門三代四節婦氏撫子婚娶生孫而子

婦並歿又哺育孤孫以延血脈

案朱烏潘三氏未奉旌另見後卷

郝兆廷妻董氏建平人年二十二兆廷歿家素窘氏孝事孀姑竭力葬其翁姑與夫撫遺腹子成立

以上二人俱乾隆十二年旌

王龍臣妻劉氏

彭允盛妻湯氏

徐子厚妻董氏

案建平節婦據衛令雍正九年所修縣志止於李國盛妻白氏時尚未請旌李志修於乾隆四年所增止史張氏潘濮陽氏岑潘氏三人張濮陽稱已詳請旌潘亦尚未請旌而此次縣申稿起乾隆五年奉旌之人溯五年以前如乾隆元年恭遇

廣德州志

卷四十四

完節

九

皇上登極覃恩本州得邀旌獎者二十三人何建平獨無一人則自雍正十年至乾隆四年中間必有遺漏明矣但本州自二年至十三年亦甚寥寥惟查祠中現在致祀牌位除已見舊志及查稿增載外尚有劉湯董三人雖無事可稽無年可考而詳訪入祠之時則皆在乾隆十三年以前其爲此數年中奉旌可知因列於此

陳啟雲妻丁氏年十九夫亡

案氏已見李志時尚未請旌今據祠牌及陳氏譜所

載旌年
列此

劉振烈妻陳氏年二十六夫故二子俱幼堅守撫孤

以上二人俱乾隆十四年旌

潘源帖妻宗氏建平人年二十九源帖故事舅姑養葬

盡禮子生三孫而歿氏復撫之成立壽踰八十乾隆十

六年旌

王有佐妻濮陽氏年二十四夫故家貧翁姑老孤幼身

任仰事俯育姑目喪明氏舐之復明撫子已生孫又相

繼夭折血淚幾枯復撫嗣孫得親見曾孫焉乾隆十七

年旌

廣德州志

卷四十四

完節

十

李允廣妻雲氏年二十六寡有利其貲者謀使另醮氏

斷左手兩指以自誓族人憐其節義以祭田二畝贈之

命名曰獎節田氏年七十將死謂所親曰可啟我夫主

櫝取我二指納諸棺言訖而歿及開匣取指見者皆慘

絕云乾隆十七年旌

戴紹廷妻陳氏建平人年二十一有娠會夫病歿哀號

之頃分娩生男發暈幾絕孀姑諭以撫孤遂不死而夫

兄與氏父陰受高淳富民聘密訂婚期給氏歸甯將強

嫁之氏微聞大慟中夜自縊家人驚救知其不可奪仍

送歸戴夫兄惡其執以分膳姑苛之氏勤女紅以供甘旨卒能撫子成立

李開韜妻宗氏建平人年二十六開韜故舅老而貧謀嫁氏氏誓死不從勤紡織以養舅姑育幼子食或不給潛自食糠粃歷數十年靡有缺憾

以上二人俱乾隆十九年旌

周宗道妻張氏宗道素病瘵氏年二十六始于歸婚夕卽異處三日宗道死孀姑趙氏亦節婦也

案趙氏未經請旌故另列

於後氏孝事終身撫姪廷郁爲嗣援例入監乾隆二十一

廣德州志

卷四十四

完節

十一

年旌

案氏已見李志時尙未請旌今據准旌案列此

步容楷妻沈氏年十九嫁甫三月而夫亡事孀姑撫遺腹克盡慈孝乾隆二十三年旌

生員王伸妻徐氏建平人年二十八伸故孝事翁姑姑歿事繼姑尤謹教子期奕遊庠乾隆二十四年旌

許雲祿妻劉氏年二十六寡事姑孝姑歿設姑及夫靈座於樓坐卧其間至戚罕見其面乾隆二十五年旌

陳天舉

陳氏譜作吾舉

妻裘氏年十九嫁未兩月而寡遺腹生子四歲又殤氏恐傷舅姑心飲泣含酸仍紡績以佐生

計撫嗣子成立乾隆二十七年旌

案氏已見李志時尙未請旌今據准旌案

此列

方明孔妻焦氏年二十夫故翁姑衰病一子在襁褓氏仰事俯育教子行遊庠年七十六卒乾隆二十九年旌
楊洪援妻岑氏建平人年二十五洪援歿事姑盡孝教子兆峯入泮乾隆三十二年旌
方可英妻陳氏年十九夫亡孝事舅姑撫姪爲嗣旣成立又故復撫嗣孫

咎士坦妻楊氏年二十士坦歿事翁至孝遺腹生子教

廣德州志

卷四十四

完節

十二

養成立端嚴勤儉終身無間年七十二卒

以上二人俱乾隆三十五年旌

耿祖書妻徐氏年十九甫嫁七月夫故時祖舅姑舅姑俱在堂孝養兩世均得歡心遺腹生子撫教有成年六十七卒乾隆三十六年旌

王學浚妻胡氏建平人年二十二學浚故幼子又殤舅諭撫夫兄子爲嗣旣爲娶媳而嗣子旋沒媳遺腹生孫而媳又沒氏含哺保抱俾得成人以延嗣續

毛鴻高妻李氏建平人年二十二嫁甫三月而鴻高故

上有孀姑及祖舅姑下無族屬應繼之人氏竭力孝養
姑命撫姑姪孫爲子長育婚娶以奉夫祀

楊如辰妻王氏建平人年二十如辰故勤紡績以奉舅
姑育幼子舅有足疾服事無間繼姑操切詬誶之聲不
絕能承順其意卒善待之年五十二卒

宗世槐妻張氏建平人年二十四世槐故勵志守節撫
教嗣子利川遊庠食餼已生孫八歲而利川又歿氏率
孀媳岑氏堅守撫孤

以上四人俱乾隆三十七年旌

周維鼎妻濮陽氏年二十二夫故一子甫晬氏勤操作
以養繼姑僅有田五畝貧不能傭工自鋤烈日中且擔
荷灌溉之周故聚族而居田畔雖長者過亦不仰視也
嘗刲股以愈姑疾撫子成立

鄭肇岐妻牟氏建平人年二十二有娠未生肇岐歿舅
姑命撫從姪爲嗣以持夫喪越數月氏又生男撫育二
孤恩勤如一事舅姑存歿皆能盡禮

鄭肇玠妻丁氏建平人年二十二肇玠故舅姑憐其年
少無子諷以改嫁氏截髮自誓遂撫姪序賓爲嗣訓教

遊庠舅姑年近八旬孝敬不衰

戴爾榛妻王氏建平人年二十三爾榛歿舅姑命撫夫
兄子爲嗣舅崇禮選授江浦訓導攜姑之官畱氏母子
家居氏嘗製繡軸爲翁壽題其上曰長教堂上南山祝
何恨閨中鸞影孤人爭誦之舅卒姑歸侍奉十餘年色
養不倦

以上四人俱乾隆三十八年旌

生員徐應望妻芮氏建平人年十八而婚家既貧翁姑
又老夫方專心舉業氏勤紡績以佐饔飧比夫人學二

廣德州志

卷四十四

完節

十四

年舅與夫相繼歿時氏年二十四遺孤尙幼氏奉衰姑
撫幼子孝慈兼盡乾隆三十九年旌

王德純妻楊氏年二十二結縈甫五旬而德純故閉戶
自經家人救之復引錐自刺瀝血棺中以誓同穴撫姪
成立生一孫而姪又死復撫孫勉媳俾媳亦能堅守
程啟瑜妻鄭氏年二十三夫故姑已八旬子僅一歲家
貧晝夜紡績膳姑育子年六十一卒

鄭元鰲妻施氏年十九夫故事姑養葬盡禮撫教嗣子
有成守節五十五年

許紹廉妻王氏年十五嫁甫兩月紹廉故氏年甚少而志甚堅孝事衰姑慈撫繼子守節六十二年

監生張廷桂妻曹氏年二十一夫故事舅姑及繼姑俱盡孝養葬以禮撫姪承祀

沈道宗妻馮氏年十九而寡方道宗病嘗割股和藥既歿斷指盟心孝事舅姑養葬盡禮撫教嗣子婚配生孫張子均妻巫氏年二十九夫故家貧氏潛茹草以代糧勤紡績以養翁訓子成立

以上七人俱乾隆四十年旌

生員史際泰妻潘氏建平人年二十一際泰故事姑孝撫教遺腹子成立入監年五十四卒

史在邑妻宗氏建平人年二十四在邑歿孝事舅姑教子金山遊庠年五十八卒

以上二人俱乾隆四十二年旌

生員陳庚妻趙氏御史趙嗣晉孫女監生宏祚女年二十七庚故遂與祖姑同寢處撫嗣子事舅姑能盡慈孝生員王泰妻焦氏年二十一夫歿子甫三月家素貧紡績以奉舅姑年六十七卒

監生岑思惠妻潘氏建平人年二十二思惠故事舅姑
盡孝撫育幼孤成立

以上三人俱乾隆四十四年旌

邱維哲妻宋氏年二十一嫁甫七月而寡遺腹生子孝
事翁姑教子遊庠乾隆四十六年旌

宗元焜妻夏氏建平人年二十三元焜歿氏勵志守節
既而叔生男甫三日氏撫爲己子事舅與繼姑俱盡孝

舅歿繼姑管氏年未三十姑媳共勵貞操

案管氏未請旌另見後

夏漢文妻戴氏建平人年二十六漢文歿鄰嫗偶以改

嫁諷氏厲色斥之引錐自刺其面遂與鄰嫗絕事孀姑
盡孝撫姪行大爲嗣自孩提以至婚娶而行大又歿媳
岑氏遺腹生男氏率媳堅守撫育幼孫茹苦畢世

以上二人乾隆四十八年旌

沈敦清妻趙氏年二十三夫故事姑盡孝撫教嗣子遊
庠現年六十五乾隆四十九年旌

王來寵妻趙氏年二十三夫故子甫一週家貧紡績以
育子既婚而子亡撫嗣孫婚娶生子嗣孫夫婦又亡復
撫曾孫以延血食年六十七卒

巫兆鈞妻劉氏年二十五夫故孝事翁姑養葬盡禮撫嗣子有成現年七十一

以上三人俱乾隆五十一年旌

王啟鼎妻湯氏德昂妻耿氏姑娘也湯年二十七夫故翁姑衰老遺腹生子德昂勤紡績以供日用與伯叔輪膳翁姑孝養不衰爲德昂娶媳耿甫三載而德昂故時耿年方二十二子培甫三歲氏躬親織紝與孀姑共勵貞操

沈維泰妻張氏年二十三夫故無子孝事翁姑養葬以

廣德州志

卷四十四

完節

十七

禮繼姪延祧撫教辛勤

以上三人乾隆五十七年請旌

生員李濟川妻戈氏年二十夫故事翁盡孝撫教嗣子

成立

李志

案李戈氏李志稱現詳請旌今無案可查祠亦未進

牌故列於奉旌者之後而以本州近年請而未准者類從焉

廩生孫一鶴妻李氏弟時茂妻伏氏李監生鳳鳴女年二十三寡伏年二十寡娣姒皆孝養其姑各撫育嗣子

教以讀書伏子謀爲庠生乾隆三十七年李年五十八

伏年五十二並請旌

據請旌卷自此以下均於是年請旌今並據卷錄之

鄭其璟妻陳氏弟其瑛妻丁氏陳年二十四寡丁年二

十寡陳有子與丁共爨共孝事其姑娣姒終身無間言

陳年五十五卒丁因哭夫目盲七十三卒

陳廷芳妻韋氏年二十五寡舅姑俱衰病醫藥皆出紡

績喪葬無遺憾里黨難之撫子成立

楊友朋妻王氏年二十一寡哭夫至眇一目事舅姑皆

臻大耋舅臨歿戒其族必登氏節於譜教子方新遊庠

步鴻翔妻丁氏年二十三夫病危潛割股以進姑見袖

血始知之夫死不食數日姑諭之乃食孝養翁姑訓其

子雨潤遊庠

章文雲妻王氏年二十一寡子幼姑老能盡慈孝丙子

大疫侍姑病不離側竟俱無恙子得奇疾醫不能治氏

嚙臂禱神勿藥而瘳人謂其孝報

李椿芳妻洪氏年二十二寡與姑相依爲命姑疾革謂

曰我死爾子立若何氏泣欲引針自刺其目以明志姑

急止之遂瞑撫嗣子成立

沈允瑜妻徐氏初爲養媳既婚夫病家奇窘紡績以供藥餌夫死氏年十九盡剪其髮納棺中撫嗣姪甫週歲鞠之成立年七十一卒

戈揚耿妻丁氏年二十五寡家貧姑老生子甫三月紡績以養老弱

陳廷錫妻丁氏年二十七夫故姑老子幼紡績以膳姑撫子既婚娶生孫而子媳雙亡氏復撫幼孫艱苦萬狀高貴龍妻劉氏年二十六寡事繼姑盡孝家僅敝屋兩椽園地半畝日夜紡織以濟日用撫子成立年七十三

卒

王彥尊妻方氏弟啟廷妻劉氏彥尊啟廷相繼死方年二十六一子尙幼劉年二十四撫姪爲嗣同心誓守事病姑數年盡孝及亡方獨任喪葬不以諉娣也劉以夫嗜書每祭必陳遺書於案哭泣盡哀年五十四卒
陳士尊妻潘氏年二十三夫亡子甫兩月未幾殤事舅姑以孝教嗣子遊庠年五十九卒

陳吾超妻王氏年十八寡遺腹生子家貧事舅姑撫幼叔紡績以佐饗殮乾隆五十六年其子祖錡始遊庠氏

年已七十矣

案自孫李氏至此十七人俱於乾隆三十七年請旌生員戈武妾張氏年十八武納之事嫡惟謹二十一武卒布素終身遺腹生子夢發教之遊庠氏年五十一卒侯文耀妻葛氏年二十四寡遺腹生子族人以其貧也勸無守節輒號慟矢死艱苦備嘗撫子壯而又歿猶勤紡績以育孫氏年八十二卒

沈元柯妻趙氏御史趙嗣晉孫女貢生濬女事病姑盡孝年二十七姑與夫相繼歿有二子遺腹復生子教育

廣德州志

卷四十四

完節

二十

盡瘁年七十一卒

以上三人俱於乾隆三十八年請旌

陳景永妻湯氏年二十三寡家貧子幼翁欲嫁之氏潛往夫墓自縊鄰婦救歸翁亦感悔乾隆三十九年氏年七十六請旌

虞庚元妻陳氏年二十一嫁兩月而寡僅存六歲幼叔遂撫叔以堅守乾隆四十年氏年五十六請旌

李芳若妻趙氏生員銓人女年二十夫故事姑盡孝姑患痢卧床妯娌畏避浣衣拭簞氏任其勞湯藥調治姑

病賴以痊愈及歿喪葬盡禮繼姪承祧教育兼至壽七十八乾隆四十九年請旌

王家忠妻甯氏嗣子大傅妻張氏甯年二十五寡家極貧紡績以養舅姑爲嗣子大傅娶婦張甫逾年大傅死張年十九矢志與姑同苦守足不出戶甯年七十三卒張撫嗣子旣娶而歿更撫幼孫爲婚娶焉乾隆四十六年以姑媳雙節請旌

以上本州二十四人據請旌卷列此

耿正孝妻包氏年二十五夫亡事姑盡孝撫嗣子成立

廣德州志

卷四十四

完節

二十一

提學高獎曰潔符桐水

李志

湯和霖妻岑氏建平人年二十夫亡撫遺腹子苦節三

十餘年

通志

邑令李景燦獎曰貞比敬姜

楊志

張經儒妻朱氏建平人年二十八夫亡勵志苦守縣令

獎之

李志

以上舊志所載奉當道獎者本州一人建平二人

蔡惟善妻管氏年二十三寡有二子而又學生二男孝事翁與繼姑撫育四子成立次廷琰四泳皆遊庠乾隆三十七年氏年六十提學朱以管竹圖湘獎之

據給匾卷下同

陳自源妻鄭氏年二十五夫故家貧撫孤苦守乾隆三十八年州守恒獎曰淑德霜清年五十六卒

沈縉汝妻李氏弟生員繼先妻李氏縉汝死李年二十四子欲仁在襁褓叔繼先亦未成立事姑育子辛苦備嘗延師教叔及子俱遊庠後繼先暴卒妻李年二十六亦以完節著姒守節五十七年八十歲卒娣守節五十八年乾隆四十年提學秦合獎曰鍾郝雙貞

陳嘉瓚妻胡氏年二十三寡一女甫五月姑患膈乃進乳於姑而以飴飼女如是二年姑竟愈後舅姑相繼歿

力營喪葬撫嗣姪已成立而天年屆六十更立子教育之乾隆四十一年提學秦額曰節勵松筠

彭廷宣妻周氏年二十四夫故一子又夭氏勵志冰操歷久彌堅乾隆四十四年州守石獎曰勁節可風

沈龍文妻濮陽氏貢生緒女年二十一寡撫兩姪爲子俱自襁褓以至成立乾隆十六年郡饑氏捐金助賑州守帥額曰貞惠可風乾隆四十七年提學徐額曰敬姜遺範年五十九卒

施必廣妻莫氏年二十二寡夫病嘗割股以進及歿紡

績以奉舅姑撫教嗣子成立壽七十五乾隆四十九年
提學葉獎曰松筠比節

生員楊蔚凍妻姚氏年二十四夫故孝事翁姑後教子
作棟遊庠乾隆五十三年提學徐獎曰節孝維風

張承英妻楊氏年二十一夫故孝事孀姑撫教嗣子祖
芳遊庠乾隆五十五年提學秦獎曰毅操維風現年六
十七歲

盛仕龍妻胡氏年二十四夫故無子矢志堅守撫姪爲
嗣乾隆五十五年提學秦獎曰彤管清徽現年五十九

廣德州志

卷四十四

完節

二十三

耿祖瓚妻王氏年二十二夫亡孝事翁姑撫姪承祀教
育辛勤年七十四卒乾隆五十六年提學秦以彤管遺
徽匾獎

楊淑飛妻李氏年二十四夫故矢志守貞孝養翁姑撫
教嗣子成立年五十九卒乾隆五十六年提學秦以孝
筓貞松匾獎

宋原懌妻趙氏年二十四寡親老子幼家又極貧勤紡
績以養生送死撫子教育兼盡乾隆五十六年氏年六
十四提學秦以止水澄心匾獎

范元乾妻奚氏年二十二夫故家貧與伯叔輪膳衰翁
甘旨必備撫嗣子成立乾隆五十六年提學秦獎曰勁
節青松現年六十二

凌曰忠妻潘氏年二十曰忠故有弟四人俱幼氏以一
人奉事翁姑孝敬備至遇有疾病湯藥調治不離左右
歿後喪葬盡禮撫叔長爲婚娶待其生子立爲已嗣乾
隆五十六年提學秦獎曰霜筠高節現年六十一

戈公國繼妻潘氏年二十六夫故家貧前妻三子皆幼
氏遺腹生一子紡績爲生撫四子教育必均爲婚娶生

廣德州志

卷四十四

完節

二十四

孫已子濟先遊於庠乾隆五十六年氏年六十提學秦
以操重女貞匾獎

濮陽自升妻李氏年二十夫故翁衰病生子筍僅四日
氏孝事病翁喪葬盡禮教子筍餼於庠乾隆五十六年
提學秦以茹荼畫荻匾獎現年五十六

郭宗聖妻繆氏年二十六夫故家貧姑老子幼遺腹更
生一子生養死葬仰事俯育畢生盡瘁乾隆五十七年
都司田以栢節松年獎現年六十一

丁常烈妻陳氏年二十八夫故撫嗣子守節乾隆五十

八年氏年六十五提學趙以松筠節操匾獎

以上本州奉獎者共十九人

楊仕清妻殷氏建平人年二十六夫亡撫二子成立門

內雍睦縣令柏給獎卒年六十

縣申下同

王祿臣妻貢氏建平人年十九祿臣亡一子尚在襁褓

時夫之兄弟及娣姒皆亡各遺幼孤氏並撫之成立獨

其子壯年夭折孫復殤茹苦守志勤劬可憫邑令李給

匾獎之卒年七十六

周士義妻史氏建平人年二十夫亡守節郡守周獎曰

廣德州志

卷四十四

完節

二十五

栢舟貞淑年七十九卒

夏翰祚妻史氏建平人年二十七翰祚歿教子林勤學

入泮年七十餘卒乾隆戊午提學鄭給額獎之

宗派妻李氏建平人年二十二派歿氏屏除膏沐撫孤

堅守夫之伯祖欲奪其志數窘辱之或加楚撻氏截髮

自誓卒撫子成立年六十卒邑令貢獎曰節比松筠

湯季昌妻任氏次子朝貴妻丁氏建平人任年二十九

季昌亡撫三子成立年六十卒丁年十九而婚時朝貴

先有隱疾數月卽死氏猶處子也依姑共勵冰操撫姪

爲嗣卒年四十六邑令貢獎曰兩代貞操

宗茂榮妻賀氏建平人年二十五茂榮故撫孤守志足不踰閩邑令貢獎曰夏侯遺風年七十二卒

呂益芳妻魏氏呂含章妻司徒氏生員呂沛霖妻徐氏建平人魏年二十一寡撫嗣士選入泮卒年六十三司徒年二十七寡撫嗣士望入泮卒年六十二徐年二十五寡現年七十俱冰操共勵邑令貢獎曰歲寒三友

王洪贊妻姚氏建平人年二十三洪瓚亡子繼天撫族姪爲嗣數年又殤族人哀其苦節更爲立嗣卒年七十

廣德州志

卷四十四

完節

二十六

四邑令貢給匾獎之

王以楫妻韋氏建平人年二十七以楫故撫教孤子周大餽於庠提學金獎曰繫燕餐松年七十三卒

呂廷棟妻王氏建平人年二十八夫亡守節壽踰八十邑令薩給匾獎之

岑兆沫妻宋氏建平人年二十七夫亡守節六十四歲卒提學梁給額獎之

岑昭善妻史氏建平人年二十四昭善亡無子叔安善已有子又父子繼歿舅姑悲悼成疾氏侍養盡瘁撫堂

姪爲嗣生孫卽爲安善嗣孫兄弟並得似續勤苦畢世
提學全給額獎之

王士榮妻貢氏建平人年二十二士榮亡撫育二子成
立五十六歲卒邑令王給匾獎之

夏明朗妻王氏建平人年二十一明朗故遺腹生男撫
教成立事舅姑能盡婦道邑令王獎曰德紹陳盧年六
十二卒

王洪攀妻楊氏建平人年二十洪攀亡子幼而羸氏慮
其孤單乞夫兄一子並撫之有成邑令劉額獎之卒年

廣德州志

卷四十四

完節

二十七

六十八

徐復相妻管氏建平人年十九復相亡遺腹生男事舅
姑以孝訓孤子以嚴提學朱獎曰管竹圖清

生員潘錫圭妻王氏建平人適圭生二子圭忽得狂疾
四年不愈氏紡績以供藥餌常被凌暴絕無怨色夫卒
氏年二十九苦撫兩孤皆旣婚而天晚境窘甚隻身棲
於宗祠年七十八卒堂姪迎三憫其苦節願以己二子
梅杏爲氏二子之後提學朱獎曰貞永八句

錢忠盛妻嚴氏建平人年十九忠盛故家甚窘孝舅姑

撫幼子邑令周獎曰節孝兼優年七十三卒

蔣文達妻戈氏建平人年二十三夫亡守節撫子成立年逾七十提學徐獎曰金石貞操

王洪秀妻宗氏建平人年二十二婚甫數月而夫亡姑老且病紡績以供菽水兩撫嗣子皆天更立而撫之始得成立提學秦獎曰不愧女宗年七十二卒

宗業培妻王氏建平人年二十七業培亡甘貧堅守依母家撫育嗣子以女工自給邑令周獎曰節傲松筠現年七十九

呂益枚妻芮氏建平人年二十六益枚故孝養衰舅壽過八旬而歿撫教二子成立長元音充歲貢提學奏獎曰節孝賢勞現年七十六

生員岑英繼妻史氏建平人年二十四英故勵志堅守撫孤成立提學徐獎曰貞松慈竹現年七十四

方廷烈妻韓氏建平人年十八廷烈亡子甫匝月家極貧勤紡績以供舅姑撫子成立提學秦獎曰巾幗完人現年七十二

吳相儒妻潘氏建平人年二十七相儒亡孝事舅姑撫

育二子成立邑令黃額獎之現年七十一

王令龍妻郝氏建平人年十九夫亡守節撫嗣子成立

邑令周給匾獎之現年五十三

以上建平奉獎者二十四人

附

梅洪猷妻施氏年二十一適梅治黼紱以奉姑嫜既寡
忍死撫孤齋素終身率子力行善事七十五歲卒守節
三十八年乾隆辛丑里黨上其事格於年例學使徐以
古雪餘寒獎之

廣德州志

卷四十四

完節

二十九

案梅施氏事具旌冊雖嫠恤已近中年而節行見推
閭里又經當道匾表因附錄之

以上附本州奉獎者一人